

Vuk'uzenzele

Produced by: Government Communication & Information System (GCIS)

English/Setswana

Lwetse 2019 Kgatiso 1



Bead worker embraces her heritage

Page 9



Basic Education gives matriculants a second chance

Page 12

JOBS INSIDE:

Black Mambas strike poachers

THE WOMEN-LED BLACK MAMBA

Anti-Poaching Unit is a poacher's worst nightmare as they relentlessly patrol fences, look for snares and remain alert to any threats to the wild animals they are dedicated to protecting.

The Black Mamba Anti-Poaching Unit is the first majority female anti-poaching unit in South Africa.

It was established in 2013 by conservationist and field ecologist Craig Spencer, Managing Director of Transfrontier Africa NPC, to protect the Olifants West Region of Balule Nature Reserve.

They are part of the Department of Environment, Forestry and Fisheries (DEEF)



• Cont. on page 2



ALSO AVAILABLE ON:



@VukuzenzeleNews

Vuk'uzenzele

CONTACT US

Website: www.gcis.gov.za
www.vukuzenzele.gov.za

Email: vukuzenzele@gcis.gov.za
Tel: (+27) 12 473 0353

Tshedimosetso House:

1035 cnr Frances Baard and Festival streets Hatfield, Pretoria, 0083

FREE COPY NOT FOR SALE

Kalafo ya kankere ya molongwana wa popelo go sa le gale e pholosa matshele

GO SIMOLOLA BA SA LE BANNYE BA NA LE DINGWAGA TSA BO 20, makgarebe a tshwanetse go itlholo kwa maakelong kgafetsa gore ga ba na kankere ya molongwana wa popelo gore e alafiwe nako e santse e le teng pele e ka fetelela le go nna boima go ka e alafa. Ono ke molaetsa o o lebiswang kwa basading mo Kgwedding eno ya Lwetse o o ka ga Temososetšhaba ka Kankere ya Molongwana wa Popelo.

Silusapho Nyanda

Basadi ka gale ba tshwanetse go itlholo kwa ditleliniking tsa kgaolo ya bona gore a dipopelo tsa bona di ntse di le mo maemong a a siameng a boitekanelo, ano ke mafoko a motho yo a neng a na le kankere ya molongwana wa popelo.

Zibulani Dlamini* (45) o rile fa a ne a ka bo a na le tshedimosetso e e tseletseng ka kankere eno, o ne a ka bo a dirile diteko nako e santse e le teng.

"Fa o ikutlwa o phela o opelwa mo maleng, o tshwanetse gore o itlhotlhore o dire diteko ka ona motsotso oo. Matshwao a mangwe a kankere eno ke go tswa madi mo nakong ya thobalano kgotsa morago ga

thobalano, serwe sa gago sa thobalano se pumpunyetsa seedi se se sa tlwaelegang, o ya kgwedding ka mokgwa o o sa tlwaelegang mme e bile o opelwa go feta tekano fa o le mo kgwedding," o tlhalositse jalo, mme e bile gape o eleditse gore basadi ba bangwe ga ba itemogele matshwao ape, mme seno ke lebaka la mmatota le le tshwanetseng go gwetlha basadi gore ba itlhole kgafetsa ka seno se le botlhokwa thata.

Go ya ka Mokgatlo wa Merero ya Dikankere wa Aforika Borwa (Cansa) kankere ya molongwana wa popelo e ama disele tsa karolo e e kwa tlase ya popelo e e tshwaraganeng le serwe sa basadi.

"Ke kankere ya maemo a bobedi mo dikankereng tse di tshwenyang basadi ba naga ya

Aforika Borwa mme selo se segolo se se e tlholang ke mogare wa *human papilloma virus*, ono ke mogare o o fetelanang fa batho ba kgomana ka matlalo, ka diedi tsa mmele le ka thobalano," Cansa e tlhalositse jalo mo webesaeteng ya bona.

Go ya ka Cansa, go bonwa ga kankere ya molongwana wa popelo go sa le gale go oketsa katlego ya kalafi mme go ka thibela disele tse di fetetsweng ke kankere eno gore di se aparelwe ke kankere e e feletseng.

Dlamini go bonwe gore o na le kankere eno ka Moranang 2018 morago ga gore a etele tleiniki ya gaabo go latela gore a opelwe ke mala le letheka.

O tlhalositse gore tshedimoso ka ditlathobho tse a di dirileng tsa popelo di tlele morago ga kgwedi mme o ne a romelwa

A O NE O ITSE?

- Tlathobho ya popelo ga e duelelwe e bile e ka diriwa kwa bookelong bongwe le bongwe jaaka tleiniki kgotsa kwa tikwatikweng ya motse ya tlathobho ya boitekanelo.
- Balwetse ba kankere ya molongwana wa popelo mmogo le basadi ba ba batlang tshedimosetso ka botlalo ka bolwetse jono ba ka ikgolaganya le Mokgatlo wa Merero ya Dikankere wa Aforika Borwa mo go 0800 22 66 22.

kwa sepetleleng sa kgaolo ya bona, mme sona se ne sa mo romela kwa Sepetleleng sa Dithuto tsa Bongaka sa Nelson Mandela se se kwa Mthatha ko a tlhaloseditsweng gore o na le kankere ya molongwana wa

popelo.

"Dingaka tsa koo di ne tsa ntlhalosetsa gore ka ntlha ya ka fao e setseng e namile ka gone, ke tshwanetse ke go ntsha popelo gore e se ke ya nama go feta ka fao e neng e setse e namile ka teng."

Dlamini o tlhalositse gore go na le tlhokego e ntsi ya go dira matsholo a go bula basadi matlho ka kankere ya molongwana wa popelo, ka fao e ba amang ka gone le koo ba ka bonang thuso gone.

Dlamini o garetse ka gore, "Basadi ba ba belaelang gore go na le sengwe se se sa siamang mo mebeleng ya bona ba tshwanetse go ya bookelong ka ona motsotso oo." **V**

*Zibulani Dlamini ga se leina la gagwe la nnete.

ooo

NHI: Re gaufi le go fitlhelela tirelo ya boitekanelo e e lekalekanang mo bathong botlhe naga ka bophara

Molaotlhommo wa Inšorense ya Bosetšhaba ya Boitekanelo (NHI) o o sa bolong go letiwa o rebotswe semmuso ke Palamente - e leng motlhagolatsela gore baagi le setšhaba ba latlhele tlhase legong ka ga ona.

Go rebolwa ga Molaotlhommo ono Aforika Borwa e atumela maitlhommo a yona a go tsenya tirisong NHI.

Molaotlhommo ono o saenetswe ke Tona ya Boitekanelo, Ngaka Zweli Mkhize, mme o amogetswe gape le ke Kabinete ka kgwedi ya Phukwi monongwaga.

Ka NHI, puso e leka go konosetsa maikano a yona a molaotlhommo a go tlamela setšhaba sotlho ka tirelo ya boitekanelo e e nang le boleng e e lekalekanang naga ka bophara jaaka go tlhalositswe mo Karolong ya bo 27 ya Molaotlhommo mmogo le mo Dipeeleng tsa Dinagakapano tsa Tlhabololo e e Nnelang Ruri (UNSDG).

Maitlhommo a NHI ke go netefatsa gore baagi botlho ba naga ya Aforika Borwa, baagi bao e seng maAforika Borwa mme ba neilwe tetla ya go

nnela ruri mo nageng, bafaladi, batswarwa, batswantle ba ba leng ka fa nageng go se mo molaong ka ntlha ya mabaka a a utlwagalang mmogo le bana botlho ba tlamelwa ka ditirelo tse di tlhokegang tsa boitekanelo.

Maokelo a ditirelo tse di tlhokegang tsa boitekanelo a a jaaka ditleliniki kgotsa mafelo a mo motseng a kokelo e tla nna ona a ntlha a a tla neelwang ditirelo tseno tsa NHI. Ditirelo tsa boitekanelo ga di sa tla go duelelwa kwa maakelong.

"E setse e le lobaka thulaganyo ya naga ya rona ya boitekanelo e dira ka tsela e e sa somarelegeng e bile e sa tswela batho mosola. Maokelo a puso e ntse e le one ka nosi a a katlapetseng sekgele se se kwa godimo mo malwetse ka fa nageng, ka go rebolela baagi ba le 84% ka ditirelo tsa boitekanelo mme ka fa a sena didirisiwa tse di lekaneng tse di fetiwang le ke tsa maokelo a poraefete ao a rebolelang fela baagi ba le 16% ka ditirelo tsa boitekanelo," ga rialo Tona Mkhize.

NHI e ikemiseditse go gata mo metlhaleng ya dinaga tse di jaaka Bri-



tain le Japan tseo le tsona di nang le merero e e jaaka ono.

NHI e dira jang?

Ka NHI molwetse o tla kwadisiwa jaaka modirisi. Badirisi ba tla tshwanetse ke go ya kwa maakelong a a jaaka ditleliniki kgotsa mafelo a mo motseng a kokelo a e tla nngang ona a ntlha ao setšhaba se tla a dirisang jaaka mafelo a pulamadimogo ya go tsona mo thulaganyong ya kokelo.

Fa molwetse a setse a le mo diatleng tsa bona, modiredi wa boitekanelo o tla mo lekola mme a tsaya tshwetso ya gore a motho yono o tlhoka go bona ngaka ya moitseanape kgotsa go fetisediwa mo maakelong a mangwe

a maemo a a kwa godimo gore a bone thuso e nngwe ya kalafo.

Balwetse ba tla tlamelwa ka thuso eno ntle le go e duelela, fela fa bona ka bobona ba ka ikisa kwa dingakeng kgotsa maakelong ao, ba tla loba tirelo e e sa duelelweng mme ba tla tshwanetse ke gore ba duele thuso eo ka bobona.

Go tla diragala eng ka dikema tsa dithuso tsa matlole a tuelo ya tirelo ya boitekanelo?

Go ya ka Molaotlhommo ono, dikema tsa dithuso tsa matlole a tuelo ya tirelo ya boitekanelo di tla fedisiwa ga nnyane ga nnyane go fitlha go fela fedika tsona mme tirelo ya tsona e

sa tlhokele e tlhokega mo ditirelong tsa maokelo a boitekanelo.

Ka go rialo dikema tsa dithuso tsa matlole a tuelo ya tirelo ya boitekanelo di tla tlamela fela ka tirelo e re e bitsang tirelo ya dituelelo tsa ditirelo tsa tlaleletso. Tirelo ya dituelelo tsa ditirelo tsa tlaleletso e tla duelela ditirelo tse di sa duelelweng ke NHI tse di jaaka go dira karo ya go ikobolola go go dira gore o nne montlenyana.

"MaAforika Borwa otlhe a tla tswelwa mosola ke NHI ka e tla ba tlamela ka ditirelo tsa maemo a a kwa godimo a ditirelo tsa boitekanelo mme ga ba sa tla tlhoka go itshotolola," ga rialo Mkhize. - **V Sanews.gov.za**

A O NE O ITSE?

- Madi a a tla tlhokwang ke go dirisiwa ke NHI a ka nna bakanaka R256 bilione.
- NHI e tla tsenngwa-tirisong ka botlalo ka ngwaga wa 2026.